

Sarajevo, 20.05.2015.

Poziv na radionicu

„Osnaživanje i liderstvo žena u političkim partijama“

Fondacija CURE, u subotu 30.05.2015. u Tešnju, u prostorijama OOSDPBiH, sa početkom u 11h, organizuje interaktivnu radionicu za članice političkih partija i aktivistkinje civilnog društva.

Jedna od tema je „Preduslov za uspjeh u politici“, u kojoj ćemo govoriti o pravnom okviru u BiH, te o trenutnoj situaciji i položaju žena u BiH. Druga tema o kojoj ćemo govoriti jeste na koji način su se organizovale žene širom svijeta, koje su kampanje prepoznate kao afirmativne i na koji način iskustva drugih mogu uticati da se poveća svijest o važnosti učestvovanja žena u procesima donošenja odluka.

Kao što svi/e znamo da na mjestima odlučivanja nema žena, želimo da do lokalnih izbora u BiH 2016. pokušamo da osnažimo žene da se aktivno uključe u politički i javni život, sa posebnim naglaskom na dosadašnja negativna i pozitivna iskustva žena koje žele da dođe do promjena u bh. društvu.

Voditeljice radionica su Jadranka Miličević, članica Fondacija CURE Sarajevo, koja će sve učesnice upoznati sa zakonima i pravnim okvirom koji se tiču rodne ravnopravnosti i njihove primjene u praksi, te pojmovima liderstva i Sanda Kovačević, članica Fondacije CURE, koja će govoriti o aktivnostima koje se sprovode širom svijeta da bi se poboljšao položaj žena.

Ovakve radionice se održavaju od 2012. na području BiH sa ciljem da se do oktobra 2016. animira minimalno 1000 žena da razmisle o svom osnovnom ljudskom pravu – pravu da glasaju, da budu predlagane i birane, da odluče ko će ih predstavljati i ko će donositi odluke u njihovo ime tokom četiri godine mandata.

Nikada nemojte sumnjati da mala skupina zainteresiranih građana/ki može promijeniti svijet. Doista, to ga jedino i mijenja.
- Margaret Mead

Podršku projektu dala:

Agenda I radionica „Osnaživanje i liderstvo žena u političkim partijama” Tešanj	
Subota, 30.05.2015. godine	
11:00 – 12:00	Upoznavanje i predstavljanje voditeljica, programa rada, predstavljanje učesnica i razgovor o vlastitim motivacijama za uključivanje u javni i politički život. Diskusija sa učesnicama kakva je situacija sa ženama u politici i javnom životu BiH uopšte? Kako su žene prikazivane u medijima i kroz stranačke promotivne aktivnosti tokom predizbornih kampanja? Da li postoji razlika u javnom prikazivanju žena iz politike i žena iz nevladinog sektora? Diskusija o iskustvima učesnica.
12:00 – 13:00	Preduslovi za uspjeh u politici - razgovor o zakonima u BiH koji osiguravaju ravnopravan tretman svih građana/ki, upoznavanje sa stanjem i položajem žena u cijeloj državi i razgovor sa učesnicama o problemima sa kojima se one suočavaju usvojoj lokalnoj zajednici te na koji način preuzeti odgovornost i postati liderica.
13:00 – 13.30	Pauza
13:30 – 14:30	Kako predstaviti sebe i svoj politički program kroz medijsko prikazivanje - prezentacija o ženama i pokretima koji su uticali da danas žene imaju mogućnost da biraju i da budu birane, sa kojim izazovima se žene suočavaju danas. Prezentovat ćemo i prepoznate kampanje koje se tiču učešća žena u političkom životu.
14:30 – 15:10	Prikazivanje filma Muškarčine i Muškarače
15:10 – 16:00	Diskusija sa učesnicama i završetak rada

Podršku projektu dala: